

Inatsisartut suleriaasissaanni § 36, imm. 1 naapertorlugu Naalackersuisunut uku apeqquteqaatigerusuppakka:

Naalackersuisunut apeqqut kalaallit nunaanni ilageeqarneq pillugu
(Inatsisartuni ilaasortaqa Astrid Fleischer Rex, Demokraatit)

1. Naalackersuisut uppersarsinnaavaat, ilumoornerseq avannaani kujataanilu palasinnngortitsisarnerit ima akimmisaarnartigisumik inissisimanerat, kujataani palasiugaanni avannaani atorfinitsinneqarsinnaanissaq ajornartoq – kommunimi qinnuteqarfigisami palasit atorfik ataatsimilluunniit inuttaqanngikkaluartoq? Ilumuussappat tamatuma pissutaa Naalackersuisunit oqaatigineqarsinnaava?
2. Ilumoorpa palasit inissiaataanni nutaanngitsuni eriagisani, taamaattumillu iluarsarnissaannut akisuvallaartuni, ineqartariaqarneri?
3. Ilumoorpa, KIIP-imi ilageeqarnermut tunngasunik siunnersortitut suliaqartoq ataasiinnaasoq, siunnersortilu taanna taassuminngaannaanngitsumik suliaqartoq? Periarfissaqarpa siunnersortimik atorfinitsitsinnaaneq ilageeqarnermut tunngasuinnarmik suliaqartussamik?
4. Naalackersuisut siunertaannut ilaava sulisunik arlalinnik ilageeqarnermut tunngasunik suliaqartussamik, biskoppeqarfiullu akisussaassuseqarfiata ataani atorfeqartussamik, atorfinitsitsinissaq.

Pissutigalugu:

Demokraatiniit pingaarutilittut isigineqarmat, Nunatsinni ilagiinnut atugassarititat ajunginnerpaajusariaqarneri, palasinit inigititaasartut tungaat aamma tassani eqqarsaataavoq.

Demokraatit isumaqarput ullumikkut Nunatsinni ilageeqarnermut atugassarititat naammaginangitsuusut. Palasit sulinerminni ineqarnerminnilu atugarisaat naammaginartutut isigineqarsinnaanngillat. Taamaattumik pingaartuuvoq ilageeqarnerup tungaatigut pitsanngorsaassutiginiagaasat suliniutigissamaakkallu Naalackersuisunit nassuiarneqarnissaat.

Palasinit inissiat amerlaqisut ullumikkut inigissallugit peqqinnanngillat qiianaqalutillu, illut eriagisassat, palasit namminneq ”katersugaasivimmi paarsisuuffigisinnaasaat”.

Demokraatit isumaat naapertorlugu, ilageeqarnerup tungaa amerlanerusunik sulisoqartariaqaraluarpoq, KIIP-ip biskoppeqarfiullu ataani atorfimmikkut inissimasunik.